

永樂大典

卷一萬四千三百

八十

永樂大典卷之一萬四千三百八十 四霽

寄 詩十三

劉蒼虛詩寄閻防特在終南山堂德寺讀書青嶼南山色君與縑錫鄰深
 路入古寺亂花隨暮春紛紛對寂寞往往落花中松色空照水經聲時有
 人晚心復南望山遠情獨親應以修往業亦唯立此身深林度空夜煙月
 資清真莫歎文明日彌年從德淪辛意詩寄裕之 青雲一別阮家郎甚
 欲題詩遠寄將好句眼前常蹉過佳人心上不曾忘誰家秋月茅亭底何
 處春風錦瑟旁昌谷烟霞久寂寞遊還肯到三鄉 次王無競見寄 客
 中重倚仲宣樓白草黃雲塞上秋山色不隨塵世改水聲還抱故城流
 中長景那堪玩鏡裏衰顏祇自羞多愧詩人苦相憶遠傳佳句弔清愁毛
 洵可詩寄陳子高 秋來日送鴈南飛不似春風鴈却歸漸愧宜與老居
 士一生只在釣魚磯何應龍詩寄胡雪江 借得官亭小似船六橋風月
 友三賢芙蓉未發荷花老一點詩情若箇遺李濟詩寄范稅院倚衡 清
 教當年寧寶曆至今遺愛在甘棠稅苗有例分三等吏卒無因下六鄉時

永樂大典卷一萬四千三百八十

異事殊民尚憶人亡政息事堪傷如今白紵重催吏也坐先生對越堂魯
 交詩有寄 思君又是東風起樓倚浮雲自千里芳草不知人斷腸帶烟
 帶雨連春水 弋鵠詩寄劉子炳 征旆送分苑路西馬蹄春去弋陽溪相
 思欲和烏啼曲一拂瑤絃意總迷 僧希畫詩早春闕下寄觀公 客心長
 念隱早晚得書招看月前期阻論山靜會遠微陽生遠道殘雪下中宵坐
 見青門柳依依又結條 寄徐任 鄉園書久斷寒夜起歸心遠路秦關
 外啼猿劔樹深貧遊年暗改醉卧月空沉 歲夕疎林下相思廢靜吟 寄
 懷古 見說鵬陰僻人烟半雜菴秋深遠日短風勁曉茄長樹勢分孤壘
 河流出大荒遙知林下客吟苦夜禪忘 僧行筆詩寄終南種微君 紫閣
 浮清漢高眠稱此心住漢人未識歸路鶴知深 峴晚迴寒翠猿孤發夜吟
 霜天獨西向無復夢山陰 僧悟詩寄方俊用 市橋勞送別轉影又經
 時 幾度月圓夜獨行誰共詩 菊寒開欲遍書遠到應遲 西溪成庵未 幽樓
 莫負期 吳澂詩病後寄聞父 暗螢咽幽響隙月漏微光漢上風雨過
 然有餘涼病瘦鵝骨立低垂不能翔 懷我山中兄開經焚道香 援蕭耿清
 夜鐘鳴悠夕陽商秋早晚至夢寐松楸蒼蘇叔靈詩次韻趙承之寄王粹
 公 王謝風流不愧前碧梧翠竹總森然好歸葉鎖持簪案却卧關河闊

歲年目送秋鴻凌絕漢。坐傳烽火到甘泉。想君坐蒲空齋冷。庭下蒲鞭無
可鞭。戴師古詩寄趙叔魯。相知言莫盡。別後意如何。命笑春冰薄。愁因
夜雨多。全家寓京國。無地着吟哦。會得窮通理。從余緝薜蘿。赤城左氏集
右丞許少尹被召約送至白沙為舟人所誤以詩寄之。短棹無尋處。嚴
城欲閉門。水邊人獨自。沙上月黃昏。老別難禁淚。空歸只斷魂。定知今夜
夢。先過白沙村。翁靈野詩寄遠人。秋氣日凄清。秋夜初未成。在家猶不
樂。行路若為情。幾處好一作自山色暮天羣一作月鴈聲分明相憶夢。夜
夜出江城。僧休進詩寄白閣元貞。一聞歸白閣。更不入長安。絕頂無人
上。西風徹夜寒。懸崖乘雪度。飛瀑過雲看。應念馳名者。青門得路難。僧用
文詩。經洲上有寄。秋色動離襟。相思寄旅吟。河分隨樹盡。路入楚雲深。
積水沉孤嶼。微陽着遠林。故人不可見。何處訪知音。刊履道。散葉寄黃希
聲。相會不歡日。相別又經時。居然感我懷。何以寫所思。舉目皆我友。我
心知者誰。知心而久離。此情悲不悲。八月寒氣高。芳蓮謝幽池。時運迅
不留。俯仰黃華暉。少年不再得。而不從以嬉。蕭條旅館秋。滿耳寒蟬啼。雲
南志。既福立春蠻地。感懷寄友人。皎然。坐對梅花憶舊都。秋牽春到老
云徂。紅塵暗合城邊路。白日西沉嶺外燕。無用通衢慚老馬。幾時傾蓋會

水樂大典卷萬四千三百十

二

醇儒抱琴惆悵月。明夕魚雁音書寄得無。桂林志。陶弼寄陽朔父老。兩
官三任五流年。舊事長懷一惘然。爵祿豈知祿武進。姓名猶賴得詩傳。萬
雲亭北山藏日。雙月橋東水接天。為報崇賢諸父老。宰君今悔把戎旄。林
且翁詩寄葉唐卿。別後無書尺。閉門空一春。久貧諧世事。垂老念鄉人。
風雨吟燈夢。乾坤客劫塵。何時磯畔月。照夜共持輪。江陵張氏詩寄陳秋
塘。五湖風雪分頭去。千里淮山信脚行。涉世真成妄男子。談詩長憶老
先生。塘邊瓜茹須頻灌。郭外田疇粗可耕。莫倚瘦筇吟白髮。浪傳新句入
新城。徐任詩寄舒州樂學士。晚伯臺前綠樹春。吳塘初下碧溪分。舊游
風景長牽夢。遠羨高齋望白雲。劉光謙詩寄陳正叔雷希顏。東南形勝
古徐州。人物休評第幾流。落落陳雷天下士。政應連榻卧黃樓。米芾贊。晉
山林集。自建潯寄薛紹彭。老來書興獨未忘。願得薛老同徜徉。天下有
識推鑒定。龍宮無術療膏肓。淮風吹戟掃松牒。典客閉關開壺漿。吟樹對
山風景聚。墨池濯硯龜魚藏。珠臺寶氣每貫日。月觀桂實時分香。銀淮燭
天限織女。煙海括地生靈光。窮兒乃是翰墨侶。俠竹不使與衡將。象管鈿
鈿映瑞錦。玉麟紫几鋪雲房。依依煙華動。勃鬱矯矯龍蛇起。混茫持此以爲
風月伴。四時之樂樂未央。部刺不糾翰墨病。聖恩養在林泉鄉。風沙漲天

烏帽客。胡不束耒從此荒。寄薛紹彭。歐怪褚嚴不自持。猶能半踏古
人規。公擁醜怪惡札祖。從茲古法蕩無遺。張顛與柳頗同罪。鼓吹俗子起
亂離。懷素獨獠小解事。僅趁平淡如盲鑿。可憐智水研空臼。去本一步呈
唾唾。注。俗所說可見已矣。此生爲此困。有口能說。手不隨。誰云心在乃華
到。天工自是秘精微。二王之前有高古。有志欲購無高貨。殷勤公付薛紹
彭。散金購取重跋題。中興江湖某寄荆。帥劉待制。歷歷古荆州。才堪敵
壯遊。星飛雲澤曉。月破渚宮秋。身世浮如客。文章老不休。運尋宋玉宅。莫
上仲宣樓。雪入烹爐鼎。花依弋鴈舟。竹枝歌未穩。處處有餘愁。彭止堂集
寄黃商伯兼簡詹元善。今日蠻荒好。逢人說桂林。秣應一片雪。瑞在兩
公心。祈望羅明月。生黎斷水沉。滔滔迷所往。莫忘指南針。都梁志寓散陽
寄席大光二絕。心折零陵霜入鬢。更脩短劄問何如。江湖不是無來鴈。
只慣平生作報書。芭蕉急雨三更鬧。客子殊方五月寒。近得會稽消息
否。稍傳荆渚路岐寬。寄德升大光。君王優詔起群公。也真猿夫尺一
中。易看青衫隨世事。難將白髮犯秋風。共談太極非無意。能繫蒼生本不
同。却倚戴陽千丈嶺。遙瞻黃鶴九霄東。李恭伯詩寄龍學。衆人皆說進
唯我後幽居。慮遠夢多亂。身閒氣不舒。干求非祿位。好尚豈詩書。日夜又

永樂大典卷萬四千三百十

三

日夜。霜寒鬢髮疎。又寄龍學。三十年交舊。相逢各白頭。海瑞曾共飯。
洛社又同遊。脫屣風波地。開懷松桂秋。兩眉從此後。應不著閒愁。凌虛谷
詩寄題志留山。天監長留杖錫飛。千年通慧有傳衣。青紅欄楯搖波影。
金碧樓臺繫月輝。世外最尊惟佛法。山中真樂息塵機。叢林多少楊岐屋。
安得高人徧翠微。江湖後集歲晚寄胡君猷。天道冥冥世道難。未知何
處可求安。鼎中得米吞聲煮。擔上蓮梅泣血看。死骨纍纍無主拾。生芻穢
獵有人餐。占星擬卜明年事。病眼觀星夜色漫。王叔公集常州寄呂進之
五言一首。我我霍丘上。可以望九州。袞袞蔡河底。日夜無停留。子有山
水近。官冗亦少休。登高望我居。寄書託東舟。非唯畏我思。亦以解子憂。我
欲問子訊。水泥塞邦溝。又欲識子處。東山豈高丘。惜哉所處異。會合寧易
求。何時春風來。從我繫臺遊。嘉定史氏詩寄徐子新子頌伯仲。生無所
成。今老矣。斷梗飛蓬何定止。江湖汨沒二十年。第妹飄零八千里。馬雖能
走。困蹶蹄。劍本煉鋼成繞指。人前羞見兄長物。欲辦一丘善吾死。君家兄
弟久見知。白頭如新有終始。長公德義過元直。少公明敏師孺子。長才經
國有原本。主父嚴安何足擬。奉親鄉黨法慈孝。護任用舍何恆喜。每思舉
目誰我容。自負得友有如此。擁爐夜話雜諧謔。把酒論文談至理。尋茶野

永樂大典

卷一四三八〇

寺天或暮。煮豆田舍日移晷。陽郡別野三冬學。衣有純綿食甘美。攜筇踏雪松山頂。藉草觀魚石橋趾。功名絕口不復道。休樓謂可終為耳。信哉聚散非人力。止或尼之行。或使令高石河父老留。比竹編茅桑柘裏。小畦僅可種韭菘。遠屋猶堪植桃李。飽飯雖度夏日長。破衣預畏西風起。病疽更不問醫藥。絕跡那能入城市。早來雖勤懋德心。地僻無人致雙鯉。別時藝麻燕未歸。今燕空巢人積臬。一日已覺三歲長。東望寧免踵頻企。壯盛猶若長家狗。流轉況如旋磨碾。常擬古人報一飯。恐負此心成沒齒。高柳鳴蟬日落西。獨立吞聲淚如水。權倖吐陵七月送客城西門。客既去日已夕矣。因記去歲與唐卿正郎登城東樓作乞巧飲。成短章寄唐卿。七月七日錢行客。西南缺月上城闕。一聲歌送一杯酒。不是去年歌酒人。阮戶部其寄鄭良佐。良佐仕戶後。甚多嘆之者。以為仲小姑。諸生多引去者。徐器之乃同社。此居之子。或者塚其傍。可哭。書生著書食日課。文士賣文救窮餓。青樓飲酒屬富兒。不意此名君。乃荷風波平地自誰始。一倡從知百人。和。東晉男子著修謹。南郡諸生底通播。平安敢煩街吏報。潔白長磨楚人。此。流言不計兩曹參。樓上落靛狂驚。既舍九須辨南北。杜冠可無分小。大寧知宋玉笑登徒。或指宣尼作陽貨。壁三誤使張儀去。兵利徒為少卿。

永樂大典卷四十三百个

四

禍遠從兄食枚厚。譎價同舍金柳引過。無點可息刺可補。未信白璧青瑤。泥君不見。吾宗孟公士所傾。亦有俗子驚人坐。任元受取時舉有和篇。謹用韻為寄。陳人一眉以甘字為愁字韻。射策明光最上游。千霄直氣樓雲浮。平生所聞任定祖。十年堅卧巖壑幽。骨中經濟裝韜畧。價高連城人不酬。急流勇退莫予武。旁觀誰為君王留。歸來萬事了無愧。罪我知我。惟春秋。海沂之康談笑事。分毫未展惟幄籌。倒屣能延吾黨士。此客標置高南州。翰墨從容千萬字。韻高不作河西謳。各持吾素報吾主。為公不必。須孫劉。嗟我已衰人不數。去來乘馬雙鳧鷗。寄徐季東。小窻杯酒恨。悠悠別後誰來旅。夢中寒食東風歸去後。尋盟須過蒜山東。呂本中詩。白公守蘇時。劉夢得守杭。有歲暮贈劉詩三首。因效其體寄齊州無敵二哥。雖聊愧聲華。然不慙分義。過去生中作兄弟。依然骨肉有餘情。青衫校正同三館。白髮東南各一城。君比鄴生多事業。我方謝朓欠詩名。想當把酒笙歌裏。亦記長安痛飲生。江南歲晚水風寒。鈴閣無人畫掩闌。過雨樓臺晚漢市。新霜松竹敬亭山。不悲仕宦從事拙。所喜形骸絕得閑。山妓村郎君莫笑。亦勝首肯滿朝盤。關河戰國東秦地。風月南朝小謝城。妓樂比君拈不出。溪山許我賭來贏。真珠金線難無比。疊嶂雙溪亦有聲。一

事與君膏壤別。板與時從老人行。水西與李彦恢相從。余將取旌德趨
 徽州。彦恢先歸旌德相候。何元任亦自太平縣來相送。過于三溪驛。遂同
 過旌德道中寄二子三首。水西投宿近秋霜。起聽晨鐘厭束裝。尚惜故
 人輕作別。亂山深處過重陽。村場路僻多無酒。野菊寒深亦未花。底事
 中原歸不得。又扶衰病過天涯。白頭懶入少年場。二老追隨却味長。預
 喜罇前聽清話。夜牕相對一爐香。屬詩寄蕭平叔。孤琴塵翳劍慵磨。
 一曲罇前且放歌。身計未成多激烈。年光自感益蹉跎。雲隨帆影西風急。
 鴈引砧聲北思多。自是不歸歸便得。江南煙景復如何。澧陽志趙世延寄
 夾山芳別圖。本來包却太虛空。萬象森羅立下風。假使悠悠千百世。聖
 人復出此心同。薛友諒勸分山行。至日偶得便句寄呈西墅庶訪。蕭
 條行色歲將闌。半山在途雨雪間。百姓不堪飢欲死。一身焉敢自求安。流
 移遍野多枵腹。撫字無功獨厚顏。人道今朝是長至。旋沽村酒慰荒寒。
 鄒燧過桐江擬訪戴雲梅鳩。二郭文風急舟疾。不果一見遂賦寄之。戴
 雲家住此山邊。梅鳩詩壇峻挿天。路便好尋揚子宅。風狂難泊米家船。
 一生自歎身為役。數里相思鴈不傳。雲想無心重出岫。梅應傲世學梅僊。
 李庭詠閏臘月望日立春大雪寄蘭江諸公。泥牛推倒不多寒。便覺和

水樂大卷萬四千三百个

五

風天上還。冉冉祥雲來海外。紛紛嘉瑞滿人間。酒能紅頰生春暈。花不嫌人
 上鬢斑。夜坐醒來詩興發。客懷如此未為慳。十七夜雪月交輝。再寄諸
 公。東風蕩盡四垂雲。恍若初開渾沌昏。天花瓊花收不去。廣寒蟾魄故
 來吞。須知圓缺難為地。肯為清寒便掩門。貧賞不知天早晚。一盃還欲借
 春溫。郭賈履視澧陽早傷。馬上得小詩數首。寄贈府推公亮。庶幾以告
 牧民者。長民職在牧斯民。疾痛當思切己身。一婦一夫皆我責。忍同居
 越視秦人。食將適口須無味。穀不充腸奈若何。寄語豪門飽溫者。由來
 益寨在招多。深山窮谷遍飢人。食盡田螺到草根。賑濟明條今已下。要
 將實惠答天恩。訪求民瘼監司責。撫養黎元守令功。所願同心敦德澤。
 盡回列郡入春風。冷氣為災事豈常。秋荒新政要論量。武陵前日活民
 策。人道今行到澧陽。温州志陳陶寄温州胡使君亂山蒼海曲。中有橫陽
 道。求馬過銅梁。若華生堪老。鶴鳴高崖裂。熊罴深樹倒。絕壑無坤維。重林
 失蒼吳。躡攀寡倚侶。扶接念與皂。悅仰慄嶽空。無因振靈草。梯窮聞成鼓。
 蒐績賴丘橋。赦詔天地歸。繁紆村落好。悠悠思將徑。擾擾愧商皓。馳想永
 嘉侯。應傷此懷抱。特明守與可。知温州陳陶殊次胡山寄詩。謝周邠寄
 鴈蕩山圖。指點先憑採藥翁。丹青化出大槐宮。眼明小閣浮煙翠。齒冷

新詩嚮雪風。二華行觀難陝右。九僊今已壓京東。此生的有尋山分。已覺
 温台入手巾。沈括寄永嘉王侍士。十萬囊錢臨易水。五營旗鼓出中
 山。去年今日西岑別。回首兵江夢寐間。林泉生龍漱瀑布。寄李和季君。
 馬蕩峯頭春水生。無遺木葉作秋聲。六龍捲海上霄漢。萬馬呼風下雪
 城。春盡不知陽鳥去。崖高惟許白雲行。故人家在北山下。野竹寒流亦有
 情。陳高寄題葉氏皆山樓。聞道君家樓絕奇。青山重疊間。果是嵐氣
 常令咫尺濕。日老應出樹林邊。二月三月雨晴後。千峰萬峯雲起時。想見
 登臨足幽賞。倚欄留客共題詩。洛陽志。楊鳳寄楊正卿。燕簡李于微。洛
 陽自古衣冠地。勝友新來競結鄰。聞道草玄揚給事。又招著白李山人。石
 樓並禪煙波晚。金谷聯鑷野草春。悵恨東遊戎馬隔。幾回歸夢到天津。
 揚紫陽寄閩鄉夾谷師三首。簿書拋擲寄黃冠。過客如雲不作難。一片
 荆山青似玉。幾時同向月中看。家在西原欲盡頭。門前流水至今流。世
 人貪作功名夢。誰向瓜田問故侯。千征萬戰鬼為鄰。歷盡興亡得此身。
 今日潼關坡下路。靜看車馬走紅塵。寄閩鄉馬信之。馬氏家聲許白
 眉。少從翰墨晚從醫。經春一就成歌側。泉石膏肓不受治。袁州府宜春志
 陸經譚袁州道中寄子美。憶昨共繫吳門舟。我行千里君獨留。江花繁
 爾不同醉。野月娟然增此愁。談笑還今古本理。詩篇頗覺筆鋒柔。滄浪書
 信無消息。鴻雁來時數舉頭。去年醉到紅花老。憂患相寬獨與君。今日
 天涯又春色。却尋高處望吳雲。青紅染出化成寺。羅穀綠開秀水枝。風物
 感人音信少。眼前雙燕漫紛紛。蔡絛寄上宜春沈使君。柑前石瘦水
 淙潺。深樾亭中六月寒。沈玉伴公臨翠竹。傾銀留我駐征鞍。龍門已恨相
 從晚。國士尤慙欲報難。萬丈光芒在行縵。歸來別作一流看。徐師閩袁
 州劉司法亦和予摩字詩。因次韻寄之。袁州司法多兼局。日暮歸來印
 幾案。詩罷春風紫草木。書成快劍斫蛟鼉。道知吏隱清如此。應問卿曹果
 是何。頗憶病餘居士否。在家無意食蘿摩。王貞白寄鄭谷。五百首新詩。
 賦封寄去時。祇憑夫子鑑。不要俗人知。火鼠重燒布。冰蠶乍吐絲。直須天
 上手。裁得領中披。齊己復寄鄭谷。白髮久慵簪。臂間病亦吟。瘦應成
 鶴骨。閒想坐禪心。上國揚花亂。滄洲荻笋深。不堪思翠蓋。西望獨霑襟。重
 慶郡志。余推隱古調。寄趙信庵。我所思。思丞相趙公也。命佩相印。公
 辭不拜。天知公心眷之愈厚。而國人未知公之志。公高卧東山。吟嘯自若。
 其客余某擬四愁作詩以寄之一章。明其志也。二章言有君如此不可負
 也。三章叙從遊之義也。四章為世事而致意也。託物以嗟歎。言近而指遠。

庶有補於用人之道焉。其辭曰：我所思兮孤鳳凰。晨遊紫霧夕飲霜。欲往從之天茫茫。梧桐竹實非所求。翔而不下天為愁。何為百鳥自喧啾。我之懷矣心傷憂。我之所思兮鳳凰臺。鳳去臺空亦何我。欲往從之人驚猜。浮雲自浮日自明。長安在望瓊枝生。有君如此想知心。君恩未報胡為情。我所思兮天馬珠。朝遊閩園暮玉臺。欲往從之路不開。記曾策蹇趨鞭撻。掃平僭叛塵沙裏。今雖老矣志未已。安石東山何時起。我所思兮荒年穀。曾飽天下飢人腹。欲往從之勢蓄縮。今年米賤人給足。忘却忍飢妻啼哭。但願常常逢大熟。大家只貴豐年玉。寄趙信庵。去年曾拜一書至今。去吏猶未回。因思從公兄弟。盛定禍亂。同獎王室以來。馳驅鞍馬間。幾二十年。何嘗相去許遠。相離許久。乃一年不得信音。萬里不能見面。人生幾何。消得幾書。臨風悽斷。前月拜真帖之賜。囑壽公之子者。讀三過。知先生思某勤甚。吾人交非勢利。親如骨肉。如之何而不思。承索舊作泛淮諸篇。此豈足言詩別紙錄呈。蜀有寫某陋容者。人以爲相似。捲以達左右。或可以慰公思。見下客之心。十二詩列其下。用當答書。祇恐益重相思耳。飲滿梅花酒。一危風前行。散髮如絲。嗅香嚼藥。無人問。此意難言。心自知。吳楚從公二十年。緣何隻影面西川。吾人聚散關天道。此事由來不偶然。

永樂大典卷萬四千三百十

七

腰帶新來頰減。困休文憔悴。遣誰知。請公試者丹青貌。爭似平淮少壯時。年時已寄音書後。每向長江問鯉魚。縱有鯉魚解人意。百年能寄幾封書。一箇遺報一箇詩。此是行軍淮浦時。底事逢人猶誦說。懸知無日不相思。雪梅和月度疎籬。自是公家黃卷辭。一紙書來渾不說。如何祇說泛淮時。言徵索舊時詩於此。知公有所思。只恐見詩思。見面傷心。淪落各天涯。有人曾到湖南者。能說江頭自種園。莫種閒花種梅樹。且圖疎影伴黃昏。艤船浮戲水之涯。自汲清湘自煮茶。茶罷詩成仍治圃。相公真是道人家。想象人間十二樓。湘江東畔即瀛洲。應憐何叔今孤冷。身在蜀天天盡頭。淮南賓客舊紛紛。今在湖南有幾人。下客幾時官事了。去鋤瓜圃作比鄰。介湖心事更清虛。曾共南樓一醉餘。遺我五詩猶在篋。相逢爲問近何如。涇川志。李宏和呂居仁涇縣旌德道中見寄。筭與破曉踏新霜。千里高安遠辨裝。會約明年追勝集。茱萸細把記重陽。山環傑閣深綠石。吐寒泉。慶浪花。一夜秋霜不成寐。感時憂國思無涯。賞溪漱玉聲湍激。石壁參天路阻長。準擬解鞍能過我。新泉活火茗甌香。番陽志。馬存寄范安道。西山石脚盤如城。芙蓉峯。挿龍泉。精有客高臥。青雲層孤吟。自作太古聲。古聲無味淡如水。令人有耳甜如錫。君不見。

永樂大典

卷一四三八〇

登高山。泛流水。子期已沒不復生。幾世幾年無此耳。恨君不到蒼巖陰。不見此客搖頭吟。千崖萬壑羣動息。相知唯有清泉音。春風捲野濃如波。看人如醉將奈何。幾時見我銅鞮陌。為唱襄陽拍手歌。邵陽志沈伯達解印至。大橋鋪寄邵陽父老。已過長亭一舍寬。送行猶自挽征鞍。我無惠政蘇凋瘵。何事邦人淚不乾。六月十七日夜寄邢子友。暑雨雖不足涼風。運有餘樂此城陰夜。何殊山峻居。月明蒼檜立。露下芭蕉舒。試問滄虛閣。今夕復焉如。先寄邢子友。作客今年樂有餘。邵陽歧路不崎嶇。山川好處秋紗帽。桃李香中度舞興。欲見舊交驚歲月。刺排幽話說艱虞。人間書疏非吾事。一首新詩未可無。趙鼎過大橋并出界偶成四絕寄邵陽諸老三首。行過郵亭日未西。滌留父老雜童兒。寄言我自無遺愛。底事潸然出涕洟。聞說當年送沈君。一城舉外盡沾巾。續貂雖不親傳授。也解規隨繼後塵。邵陽拙政一年餘。不暇精思及遠圖。且了眼前無缺碍。家家溫飽是良謀。蘇軾志胡樂奉寄武岡使君公肩國錄。越絕孤城湘以南。迥遭煩翠擁浮嵐。使祝吟韓應款塞楚人何敢狠如羊。龔承歸夢統茶靡。羞海中和樂職詩人笑。安能動萬衆。伯魚暫許長扶夷。第五扶夷長洪注在武岡止陸有四明方丈同。帝咨良牧定登庸。未須料理黔中佐。

永樂大典卷一四三八〇

八

此子只堪丘壑中。潼川志張士遜和鄭城友生見寄。鄭道六十里縣將深隱同。人家飛鳥外。官舍翠屏中。政則慙前輩。吟還得古風。多君有新作。不忌慰幽悵。寄唐山人。梓潼江口涪江上。深僻還如郭杜村。獨坐琴光噴釣艇。萬秋寒影落吟軒。新編自集詩十首。好月誰同酒一罇。我有十年狂簡在。會須乘興雪中論。寄陳書記赴闕。同院青霄著錦衣。翩翩運捧詔書歸。便著應好裨神算。披鎧仍曾破賊圍。涪水夢回人乍到。劔關風冷葉初飛。徒勞下吏偏多戀。薄宦飄然失所依。四明志寄育王山長老常坦。道人少貴海上遊。海舶破散身波浮。抱金滿篋人所寄。吹簫偶得還中州。羸身歸來不受報。祇取斗酒相獻酬。歡娛慈母終一世。脫素妻子歲崑崙。蒼煙冢冢池水滂。白玉菡萏吹高秋。夜燃栢子煮山藥。憶此東望無時休。塞垣春枯積雪留。沙磧慙怒黃雲愁。五更尺馬隨鷹起。想見郊郭花稠稠。百年誇奪終一丘。世間滿眼真悠悠。寄聲萬里心綢繆。莫道異趣無相求。舒豈粹老使君前。被召約往它山謁。善政侯祠既不果。以書見抵。謂可歎惜。并示廣德湖新記。因成長句奉寄。長江衮衮西南流。秋水時至狂不收。大浪似屋山欲浮。王侯神智禹所歎。萬鬼琢玉它山幽。梅梁崩崩卧龍蚪。吐嗟湍駭就欲擊。巨靈縮手愚公羞。障成十里沙中洲。支分

股引聽所求。赤早積漫民不憂。那得虫蝗隨督郵。汙邪既塞滿車篝。斯民
 飽暖何以贖。廟貌突兀寒溪頭。歲歲難黍祠春秋。老農擊鼓推子謳。嘗持
 人物紛鴈鷗。豈無鼎食腰金儔。朽骨往往空蒿丘。姓名幾復人間留。唯使
 施惠膏如油。江聲浩浩風颼颼。千古不見使人愁。拔俗萬丈山探嶺。使君
 不減裴商州。下車百靈隨勦擾。一笑四境無瘡痍。天闕老步須驂騎。已聞
 歸作金華遊。欽賢訪古意未休。畫船載酒岸高驕。約我與往置脯脯。冠蓋
 紛紛暇莫偷。搔首悵望情惘然。我問使君亦何尤。西湖萬頃蛟龍湫。幾年
 荒第今則修。鑿鼓弗勝財不培。長堤岌岌高岑樓。寫有滄兮瀟有瀟。餘波
 北注引漕舟。桑麻被野禾連疇。鶴鷗白鳥雜游鯈。孤蒲菱芡厭採搜。柳楊成
 幄蔭道周。耕漁呼歌羸病瘳。使君之賜侯可俾。天遣旌旆看悠悠。父老
 雪涕爭攀轡。地僻借恂恨無由。高文猶秀春華抽。豐碑峯岸鏡銀鈎。千年
 空此留海陬。君知此日思君否。還如今日人思侯。盧天驥遠中書懷寄
 奉化知縣。自帶淵明漈酒中。食桂甘作度郎貧。雖無殘菊簪華髮。賴有
 青山似故人。幾處鴉鳴牛背雨。經年衣犯馬蹄塵。待勞神武朝衫去。還我
 烟溪漱石身。弄靴漸覺歲呼喚。負郭蕪田未退耕。正恐山溪吹岸去。任
 從烟草興悠生。別來竹院門長掩。好去漁舟子自撐。漸晚歸心在何許。夕

水樂天卷萬四千三百分

九

陽低處伴雲橫。謝伯初詩走筆寄吳陵歐陽永叔。舟行無險似瞿塘。湖
 峽猿聲斷旅腸。萬里更堪人謫宦。經年應合髮成霜。長官衫色江波綠。學
 士文華蜀錦張。去似長沙非黜辱。比於連郡亦避荒。韓退之以言事初此
 連州來。可託作賦招巫渚。好為投文弔耒陽。壯子天下未陽。路經峽下國
 難留金馬客。新詩傳與竹枝娘。才如夢得多為累。情甚安仁久悼亡。絕境
 化成儒雅俗。達民爭識校讎郎。典詞懸待修青史。諫草當來露皂囊。不用
 臨流羨漁者。便將纓足濯滄浪。廣州府志趙希憲寄廣南轉運陳學士。
 極望隨南斗。迢迢思欲迷。春生桂嶺外。人在海門西。殘日依山盡。長天向
 水低。遙知仙館夢。清夜怯猿啼。潮州府志寄潮州于公九流。扁舟如葉
 路東西。一片灘聲下惡谿。當日亭臺舊待客。相逢莫惜醉如泥。紹興府會
 稽志白道猷寄若耶山笠道壹。連峰數十里。脩林帶平津。茅茨隱不見。
 鷓鴣鳴知有人。閑步踐其徑。處處見遺新。始知百世下。猶有上皇民。闕此無
 事跡。以待疎俗賓。長嘯自林際。歸此保天真。漢武志儼賊冠五羊。歸善蕭
 令注。夜焚賊船。城得以援。作詩寄之。賦計包藏久。兵權委付輕。百年朝
 鼓靜。半夜羽書驚。賊馬嘶亡主。殘民哭破城。終軍知感憤。先我乞長纓。
 寄蕭注。驃騎新戎幕。祥柯古葉藩。置書行絕域。銅柱入中原。月第莖歌

濕。秋城鼓角喧。傷。繼。仁。蠻。貊。今。信。賈。生。言。王。寂。拙。軒。集。寄。王。周。拙。道。人。
幾。年。風。浪。汨。迷。津。一。息。煙。霞。遂。隱。淪。結。屋。正。宜。居。子。午。扶。中。柳。復。記。庚。申。
兒。孫。又。繼。平。生。志。如。婦。能。甘。抵。死。貧。解。后。相。逢。應。笑。我。蒼。頭。華。髮。走。紅。塵。
寄。李。致。美。別。來。歲。月。遠。如。許。麟。羽。沉。浮。絕。往。還。歎。接。清。談。思。寓。直。未
忘。習。氣。夢。催。班。信。知。天。上。玉。堂。好。何。似。江。西。道。院。閑。他。日。相。逢。能。似。舊。祇
應。君。眼。與。南。山。附。寄。陳。州。陳。顯。祖。若。到。睢。陽。話。汝。陽。故。人。應。也。問。行
藏。但。言。甚。矣。吾。衰。矣。三。友。軒。中。作。退。堂。趙。周。臣。詩。桃。花。島。回。寄。王。伯。真。
水。破。村。橋。擁。春。寒。旅。鴈。低。遠。山。封。霧。小。高。浪。與。雲。齊。島。寺。明。松。雪。潮。船。蕩
藕。泥。詩。情。吟。不。盡。寄。與。畫。中。題。寄。元。裕。之。久。雨。新。晴。散。痺。頑。一。軒。涼
思。坐。中。閒。樹。頭。風。寫。無。窮。水。天。未。雲。移。不。定。山。宦。味。漸。思。生。處。樂。人。生。難
得。老。未。閒。戴。芝。眉。字。何。時。見。誰。與。嵩。山。共。往。還。寄。陳。正。叔。渺。渺。西。風
去。翼。輕。霜。林。楓。葉。動。秋。聲。嵩。邱。竟。秀。容。多。可。河。洛。爭。流。急。獨。清。廣。武。山。川
留。故。壘。成。車。草。木。閑。空。城。憑。高。一。掬。英。雄。淚。付。與。窮。途。阮。步。兵。臨。安。志。參
寥。子。雪。霽。寄。丹。瞻。西。湖。漫。天。三。日。雪。上。下。一。色。迷。空。虛。層。巒。杏。嶂。香。難
辨。仿。佛。樓。觀。疑。有。無。既。難。乳。獸。失。所。食。飛。走。阡。陌。空。號。呼。中。國。却。羨。啄。木
鳥。利。甯。自。解。謀。朝。脯。枕。來。鍾。鼓。報。新。霽。天。半。稍。稍。分。浮。圖。試。憑。高。樓。肆。遠

永樂大典卷四十三百十

目。千里。顛。倒。羅。瓊。瑤。逡。巡。夜。月。出。海。角。光。彩。猛。射。來。城。隅。方。壺。貞。嶠。只。在
眼。綽。約。恍。悟。神。仙。居。咄。哉。浩。景。似。欺。壓。謂。我。不。足。為。傳。模。風。流。江。左。杜。從
事。氣。格。豪。瞻。凌。相。如。安。得。飄。飄。跨。鸞。鶴。手。指。東。尾。來。為。書。寄。參。寥。子。八
聲。甘。州。有。情。風。萬。里。捲。潮。來。無。情。送。潮。歸。阿。錢。塘。江。上。西。興。浦。口。幾。度
斜。暉。不。用。思。量。今。古。俯。仰。昔。人。非。誰。似。東。坡。老。白。首。忘。機。記。取。西。湖。西
畔。正。暮。山。好。處。空。翠。煙。霏。算。詩。人。相。得。如。我。與。君。稀。約。他。年。東。運。海。道。願
謝。公。雅。志。莫。相。違。西。州。路。為。我。沾。衣。建。昌。時。江。志。黃。曠。寄。李。先。生。久。不
見。泰。伯。中。心。頻。損。和。近。聞。來。書。卷。更。卜。好。山。阿。學。古。成。儒。癖。軟。風。蕩。俗。訛
周。公。法。已。矣。原。憲。事。如。何。母。老。祿。未。及。身。閑。鬢。不。暗。新。文。海。喬。播。舊。業。釣
竿。花。寡。感。歌。寧。發。麻。姑。使。屢。過。時。人。一。握。小。吾。道。片。雲。多。友。弟。俱。遊。宦。池
樊。自。撫。莎。閒。猿。詩。興。逸。敲。戶。酒。徒。羅。鄉。里。名。光。也。朝。廷。禮。後。度。年。來。魚。信
至。在。我。客。蹉。跎。曾。博。南。豐。道。中。寄。介。甫。應。遠。冒。煩。暑。驅。馳。山。水。間。泥
泉。沃。濁。肺。沙。風。吹。汗。顏。疲。驂。喘。沫。白。殆。僕。負。肩。殷。仰。嗟。早。雲。高。俯。愛。芳。蔭
瀑。空。郵。降。塵。榻。淨。館。排。霞。闌。城。隍。壯。形。勢。岡。谷。來。回。環。紅。萼。蛇。相。照。翠。樹
鬱。可。攀。野。田。雜。青。黃。雨。露。施。尚。慳。玉。現。謁。群。望。蕭。鼓。鳴。雲。山。憂。農。非。吾。職
望。歲。竊。所。歎。想。當。午。日。烈。行。瞻。月。初。彎。星。斗。弄。光。彩。羅。絡。龜。火。班。跋。屨。雖

云倦。桑梓得暫還。林僧授館舍。田客扳鞍鏤。吾心本皎皎。彼詬徒顏顏。方
投定鑑照。即使征馬班。相州木蘭揖。蕩漾窮漢灣。寄建昌史君女士胡
丈。麻姑岩堯青神天。瀑泉奔騰千仞懸。星壇突兀倚絕壁。平原大師有
銘鐫。神人一去已千歲。諸峯尚作翔鸞勢。史君雙旌來。特氣節清高兩
相值。南城南豐萬家邑。異人間出俱屹立。故家遺俗今仍存。後來青藜如
俯拾。史君落落真人豪。蘇州聊爾試牛刀。宜堂坐瀟萬事理。村村作社沽
春醪。我生江湖任流轉。老矣未識鄉閭面。但聞老父誇新尹。古稱循良今
始見。五年兩把淮上麾。家山欲歸殊未期。速呼江船渡彭蠡。扶藜去讀君
山碑。寄呂南公。主人第一河南守。之子無雙江夏才。曾見吹噓上霄
漢。可能憔悴隱蒿萊。風騷寓興垂金薤。翰墨傳家富玉杯。傾蓋相知勝白
首。扁舟臨別重徘徊。紆姪寄詩題卷後。新詩句法自誰傳。把卷臨燈
喜不眠。已是風花巧依草。要看霜幹老參天。雷陽志。寄子由。我少即多
難。還回一生中。百年不易滿寸寸。壘壘。老矣復何言。榮辱今兩空。泥丸
尚一路。古云十分善。加先一路泥。梁川。所尚餘皆窮。似開崆峒西。伏池迎
此翁。胡為適雨海。復駕垂天虹。下視九萬里。浩浩皆積風。回望古合州。屬
此瑠璃鍾。離別何足道。我生豈有終。渡海十年歸。方鏡照兩童。還鄉亦何

水樂堂卷一萬四千三百十

十

有。雙假壺公龍。我眉向我笑。歸水為君容。天人巧相勝。不獨數子工。指點
舊遊處。蒿萊生故宮。初到海康以十詩寄吳越親舊。修行三十年。未
似死遺過。今番忽大悟。不恨甌已破。條然變窟中。豈有一毫挫。他時返故
廬。當受公等賀。伐木思我友。擁爐對青燈。遙憐罷甌上。但欠我曲牀。梅
花滿。蚌神清。韻來相迎。風味畧不改。夜深影峻增。幽人卧未興。曉鼓亦
何急。披衣自擁門。氛霧一時入。中庭雨方過。木葉有餘滴。悠然眺巖阿。倚
杖得微立。一官戶限上。笑倒洛下賢。如何坐鈎黨。更作五嶺遷。造物乃
誤我。不得戲母前。白雲渺天末。有淚如湧泉。平生學道心。未始頃刻忘。
自忙。揮毫繫辭議。當世已大奇。舌文一闢。批。北。蒼。今。付。誰。淵。源。六。經。來。
訓。古。未。可。遺。立。言。要。不。朽。會。有。來。者。唾。東。隣。朝。代。鼓。西。里。夜。吹。笛。蠻。州。
鬼。送。迎。歌。舞。作。朝。夕。寬。哉。教。難。豚。千。百。無。復。惜。誰。能。吟。此。風。為。我。念。邦。伯。
人。生。夢。幻。中。茲。理。孰。不。曉。何。為。對。境。疑。端。是。用。力。少。寄。聲。同。舍。郎。已。大。
物。則。小。豈。有。百。鍊。剛。而。向。十。指。繞。吳。越。生。理。難。親。朋。半。貧。病。附。書。訪。死。
生。鴻。鴈。不。容。情。那。知。海。上。城。萬。戶。與。親。親。苦。恨。道。路。長。何。由。戒。車。乘。勿。
護。歲。云。莫。夕。陰。滿。菰。荊。頭。顛。髮。經。此。白。髮。方。爾。生。忽。然。念。卿。問。聊。作。莊。馬。

永樂大典

卷一四三八〇

聲門前斷車微有酒自可傾。與楊渭伯別久矣置中忽枉近作句法老
 健借贈齊伯韻奉寄一首。化工勤草木。青黃變郊野。索居歲月馳。懷舊
 意奔馬。念昔三峽游。朋儕結詩社。筆陣森戈鋌。鏖戰不相下。至今誦險語。
 鬼夢驚清夜。新篇忽飛來。曹劉可凌跨。坐令老鈍姿。膽攝甘退舍。聞奇屬
 盛年。夫我則不暇。何當欺齋閣。盡看珠璣瀉。寄題蕭山陰。人間何處
 無山川。境因人勝久。乃傳蘭亭端。以內史故。便覺草木增華鮮。竹林花臂
 我何愧。金谷望塵課。可憐高情迥。出雲漢上。疾韻絕似羲黃前。青鞋布襪
 昔屢到。崇岡峻嶺今宛然。南遷但借清夢斷。東眺不奈老眼穿。石龍使君
 何其賢。子載有意膠續絃。一腸相屬有餘樂。况辨九曲行漪澗。今人乃作
 古人事。却恨我不陪。加鞭遙知有意妙。天下如玉在山珠。在淵試揮明光
 起草筆。荒微亦有青瑤瑤。君不見長安城中車馬遺。定武墨本直萬錢。
 日河居士莫汲。自北州未涉。世世二樂寄陸仲高。星振天以行周。况
 曠美人之遠。予囊甘心於戈者。予久同繳而異。竅窻其鳴以相求。予幸翁
 翅以小軒朝。予發。予石龍。遇其川而問。途。夕余宿溫村。予壯夜清之轟車。
 竿格澤以鼓。帆。尾方中而啓。艦。夫津浦於轉。脰。予。珠翼。予。予。太虛。海波
 不動。空明。虛徐。絢。暖。日之晴。影。漾。光。風之春。吹。嫩。八極之所入。渺一碧。而

永樂大典卷萬四千三百十

十三

無餘。豁宇宙之全體。混元氣於浩初。寄一毫於萬頃。湊不知其所如。鉤鉅
 款以詔。禱。屹山背之穿。魚。鱗。鱗之手。父。屬。於。公。瑣。其。高。誅。信。生。平。斯。遊。之
 冠。絕。非。被。老。二。口。誰。與。徒。項。馬。有。點。黛。浮。於。天。末。者。舟。人。指。以。告。曰。此。泗
 州也。將。驪。馬。抑。豈。所。謂。圓。峯。方。壺。者。乎。予。是。行。其。何。志。未。暇。問。神。仙。之。有
 無也。遲。明。發。予。予。東。暮。期。宿。若。人。之。廬。叩。音。於。正。如。發。懸。解。於。西。翟。予。不
 知其何樂。頃。覺。神。王。而。氣。愉。亂。曰。樂。莫。樂。於。涉。滄。海。樂。莫。樂。於。見。故。人。萃
 二樂於一朝。寧。天。公。之。我。勤。愧。七。年。芳。瘴。州。釋。牢。愁。予。自。今。歸。去。來。予。湖
 江味。芳。音。芳。差。親。寄。莫。送。於。一。笑。于。胥。樂。芳。終。身。寄。陳。阜。卿。校。書。陳。曾
 山正字。一。鴈。初。傳。萬。里。音。不。須。細。讀。淚。沾。襟。與。君。平。日。云。何。意。要。我。殘
 年了。此。心。憂。患。未。從。朝。蹟。出。癡。頑。合。受。瘴。煙。侵。他。年。再。約。城。西。社。未。怕。香
 醪。滿。碗。斟。霜。風。獵。獵。上。征。衫。行。盡。江。南。更。嶺。南。命。有。斗。牛。元。不。補。租。無
 壬甲定。何。堪。焚。香。已。結。西。方。社。拄。杖。猶。尋。北。客。談。試。向。城。頭。看。落。日。蓬。萊
 波。浪。渺。清。酣。結。綬。何。曾。上。九。關。也。教。白。髮。冒。南。冠。雲。橫。天。末。空。回。首。日
 落。山。腰。尚。據。鞍。藜。杖。尋。花。秋。向。晚。火。圍。酌。酒。夜。初。寒。翻。思。時。節。過。蓬。地。絕
 似。邯。鄲。一。夢。殘。夢。在。酒。首。甘。進。故。事。何。太。虛。知。非。堂。董。寄。智。玉。成。僧。來
 能。說。近。平。安。密。抱。陳。編。獨。細。看。每。恨。故。人。疎。覲。易。無。情。賈。客。寄。聲。難。四。體

人寂百虫語。千里夢回新。馬寒心事。書題俱草草。西山幾疊碧。雲端舒岳
 祥。側風集。寄趙敬求。趙子貧愈好。吟詩送此生。焚巢同旅鳥。沈宅老書
 繁。八座清門戶。王塘好弟兄。杉棚先辱和。欲報恐無瓊。臘月二十五日
 偶憶孟浩然。白髮催年老。青陽過歲除之句。因次和此篇。奉寄達善。歸
 夢涉遠道。青山非故廬。歲時筋力減。日夜鬢毛疎。且免編民役。休論解
 除。百年餘二老。莫遣寸陰虛。時有省府官。到路縣馬階。人先往。先朝每過
 正旦朝會。必有除命。寄達善。渺渺思君處。悠悠古道旁。柴荆人獨自
 蹀。柳月昏黃。渴鼠尋松溜。飢鳥背夕陽。王塘在吾目。空費九回腸。寄二
 林。久客誰為主。無歸莫問家。古書澆茗椀。凍酒噉梅花。巖靜松拋子。沙
 虛筍養芽。二林誰遠近。佇立日西斜。寄袁季源。當世佳公子。枝吾雅
 道多。江南有文獻。魯國自強歌。火後歸新第。兵餘喜止戈。公車行有召。母
 久戀松蘿。寄仰初。寄語翰林戴。年來書不靈。翠微雙鬢白。茅舍一燈
 青。醉後窮豪在。吟成老健能。楊梅時節近。吾欲理行滕。病起寄二林
 心地。燭然平。喬林夏氣清。炎風疏鳥彘。涼雨滴蟬聲。翰墨專攻守。弓函誓
 死生。吟成與誰寄。二子在郵城。寄子堂。昏眼迷烟雨。脩眉隱樹林。杜
 鵑知夜半。蟋蟀候秋音。靜悟平生事。閑思萬古心。蹉跎七十五。既往莫

水樂天卷萬四千三百十

追尋。又。來往沒炎熱。杉篁取徑微。蝶飛草住燕。出認懶歸雲。臥從衣
 冷。風梳愛髮稀。清談能解慍。松塵為君揮。又。不踐山中約。時時夢見
 之。况當春雨夜。正作韭菘思。種菊秋堪擷。誅茅冬未遲。人生難自料。身後
 要名垂。寄正仲。雲峯雙鳥破雪暹。一僧分紅酒。回丹渥。青編發白紛。
 風昏生月暈。水落織冰文。歲莫無來客。開門獨候君。寄袁中素。季原
 清談疏世慮。知髮度年華。雀飲盆中水。蜂尋案上花。郊原新射雉。陂蕩早
 聞蛙。得句何人贈。棠溪有竹家。亂後寄正仲。因論怒齋。樞相朔漢音。耗
 山人。水南北。別業濃。東西落葉屏。風石斜。陽水確。溪門。萊翟公。雀野。迥
 孟嘗。鷄。樞相祖。沙漠。酸風。萬里。迷。石屏。風。王仲。所。為。北。石。水。作。漢。子。所。寄
 北。石。獨。曰。舟。帥。初。屢。書。有。相。訪。之。約。且。求。予。文。某。知。予。有。藏。山。之。志。也。
 近。因。彌。大。過。我。知。其。有。來。日。矣。作。此。寄。之。流水不還剗。落花終到野。偶
 逢。歸。峽。客。乃。是。寄。書。人。古。剗。藏。山。志。他。生。結。願。因。煩。君。同。校。正。字。字。莫。留
 塵。寄子堂。欲出一雨隔。相違十日強。鼠過松落粉。雉步麥。怪芒。酒盡
 夜。難。過。書。清。日。自。長。羊。米。三。運。約。來。往。莫。相。忘。寄正中。相對石屏風
 相。邀。石。老。翁。魚。遊。山。影。裏。鳥。啼。水。聲。中。詩。卷。行。未。了。書。囊。倒。不。空。斧。著。君
 莫。忘。猶。約。待。秋。風。五月一日寄正仲。住處村非遠。別時山更多。花風

起晴浪，草露落明河。世事老休問，故人今幾何。朝來新酒禁，煮餅卧岩阿。
和韻寄胡山甫 卿心起老童，見說買山成。靜坐性情淡，孤眠滋味清。
猿人時識面，禪客共知名。山色元無垢，漢聲自不平。池荷應足製，山預想
堪羹。九日如今近，思君出峽行。五月間與正仲立耕養堂前見石榴一
花吐，初因以荆公詩并依語作對云：萬綠一紅，十風五雨，好作尺牘中時
令語。正仲云：只作詩語亦佳。別後因補成章以寄之。石屏溪上晚風柔，
深念沉思詎易樓。好酒自能和性氣，閒愁何必上眉頭。十風五雨天常順，
萬綠一紅春更留。龜婢解炊新麥飯，提魚仍就蓑畦遊。寄正仲 冷淞
清愁變暮寒，賓鴻去後燕來還。流紅似兩人千里總翠如山，屋萬間竹杖
行藏觀動靜，柴門開闔見忙閒。何如上傳多髯客，白飯魚羹養好顏。用
韻寄胡元魯因梅所袖達 賓鴻風逆斷來騰，魚腹書沉未上層。猶白秋
風鍊藥院，研朱仙露讀書燈。青峰極目先榆景，黃鳥收聲有木冰。欲問都
城初破事，願君東筆直無朋。李白秋日暵白珠兼院 寄二林 等閑詩
句無題目，憶著二林新意生。月皎皎時疎一箇風，冷處竹千莖。春花不
及寒花耐，山鳥何如水鳥清。欲放詩瓢滄海渺，不如飛鴈入鄆城。寄
仲初 西家女兒長日愁，白頭鼻息撼林丘。老去聲名惜雞肋，世間富貴

永樂大典卷之萬四千三百十

爛羊頭。青山白鷺水天遠，綠葉黃鸝風日柔。欲往榆林忘南北，幾回吹笛
上高樓。寄少白詩後因問訊小潘 詩翁山鴈餐殘鷓，只向岩幽了白
頭。欲共君家阿戎語，蟬聯書可吐難收。再寄正仲 湖碧山紅錦步障
晚松早韭五侯鯖，莫道亂來無樂事。牀頭流水作琴聽，作音佳 寄胡山
甫 梅梢殘雨知頭數，溪上無風麥自青。蓮子不來還獨卧，踏簷啼鳥喚
人醒。儲文卿筆 寄杜北山 東風潮水瀆一話，一眉翠近世詩千卷。
到唐今幾人，江楓煙外冷。池草夢中春，見說吟尤苦。開元漸逼真，再寄
北山 久不知消息，多應已二毛。風流東晉在，名字北山高。閉戶聞霜葉，
臨牕看夜濤。與誰同此興，無似爾詩豪。寄源莊 鱗鴻無處所，心事若
為傳。相去一千里，別來三四年。片雲依獨樹，葦占平川。自恨驅馳甚，從
容未有緣。寄同舍 吾廬非不愛，安處亦何曾。客久諳風俗，年饑憶友
朋。雪消庭甍雨，寒結硯池冰。幾欲題書寄，驅馳又未能。寄賓州連教
欲寫長箋寄遠愁，風煙漠漠水悠悠。鴈飛只到衡陽住，人在衡陽更上州。
高結古詩寄吳鈴幹 有律千人傑，能為萬里遊。挂帆春背鴈，閃驛夜驚
鷗。道路空留滯，文章莫暗投。九疑生雨徧，三峡帶寒流。采藥青神觀，題詩
白帝樓。乾坤供爛醉，星斗照關愁。漢已歸蕭相，天難壽武侯。詞人頭欲雪，

壯士淚如秋。中下猶須菜。西南風倚箒。有錢書盡買。威虜去終酬。猿破高
唐憂。龍馴漚瀕舟。行人定安穩。夏近可歸不。元好何遺山。集寄錢唐曹士
開。凌晨仰雙鴈。接翼東南飛。望入空濛中。意滿江之湄。佳人雲水遠。行
子霜露凄。以君離越情。牽我迢遞思。拊膺憶游行。彷彿此良時。秋吟啓寒
碧。夕渚含涼颺。揚塵耀芳甸。蕩槩凌清漪。新聲激皓齒。繁響屬朱絲。燕賞
信娛人。明德亦所敦。睚靈迅頽景。驚飛挾游塵。悠悠念遠道。眷眷懷苦辛。
願言各自愛。皓首期相親。寄趙宜之題時在盧氏大城滿射虎。小城空
雀鼠可憐。河朔州人掘草根。官煮芻。北人南來向何處。共說華川今樂土。
華川三月春事忙。布穀勸耕鳴。喚雨舊聞抱犢山。摩雲出蒼稜。長林絕壑
人迹所不到。可以避世如武陵。煮橡當果穀。煎木甘飴餉。此物足以度荒
歲。况有麋鹿可射魚。可嘗自我來。蒿前旱乾歲。相仍耕田食不足。又復逢
親朋。三年西去心。籠禽念飛騰。一瓶一鉢百無累。恨我不如雲水僧。崧山
幾來層。不畏登不得。但畏不得登。洛陽一夕秋風起。羨殺吳中張季鷹。
寄曹克明。風雨錢塘夜。從君借榻眠。相看成萬里。此意又三年。眉宇何
時見。文章到處傳。自知無世用。淮海已歸田。寄士開。一別兩年裏。深
猶無處家。風烟低草樹。雨露入桑麻。水縮江鄉闊。雲深天路賒。君違應不

永樂大典卷萬四千三百十

識。頭頰髮生華。寄春漢南詩老幸應敬之。五年不與漢南渡。日夕心
馳洛西路。山中今日見君詩。惆悵良辰又相悞。龍蛇大澤變風景。虎豹天
門鬱烟霧。丈夫不合把鋤犁。青髮無情忽衰素。平泉漫作窮愁志。豈澤休
題自憐賦。長安正有五侯鯖。既醉誰能作樓護。青燈老屋深蓬蒿。蝙蝠掠
面莎雞號。劔歌夜半激悲壯。松風萬壑翻雲濤。區區莫上曹征西。我知慚
愧王東車。人生只有一杯酒。螟蛉蜾蠃安能豪。寄成都李仲淵。一自
秋風馬首西。修名高與暮雲齊。天連蜀道馬能到。月落禁林鳥欲棲。文字
苦心應白髮。相思勞夢問青泥。君如知我今何似。客氣年來寸寸低。寄
答趙宜之。燕簡漢南詩老。窻影朧朧納暝陰。風聲浩浩急霜砧。秋鴻社
燕飄零夢。頽水崧山去住心。黃菊有情留小飲。青燈無語伴微吟。故人焦
悴蓬茅晚。料得老懷如我今。過臯州寄新侯。洞洞重復並湍流。斜日黃
榆嶺上頭。地底寶符臨趙國。眼中佛屋見臯州。雲沙浩浩鴈良苦。木葉蕭
蕭風自秋。別後故人應念我。一詩聊與話離憂。寄辛老子。草堂西望
渺烟霞。夢寐西南一徑斜。為羨鸞風安枳棘。悔將猿鶴入京華。百錢卜肆
成都市。萬古詩壇子美家。後日從公問奇字。可能適客待侯巴。寄欽用
顧頰京華首肯。南山歸興夜漫漫。長門有賦人誰買。坐榻無堪客亦

永樂大典

卷一四三八〇

寒。蟲臂偶然煩造物。塵頭何者亦求官。故人東望應相笑。世路羊腸乃爾難。寄荅景玄兄。故人相念不相忘。頻着書來約對床。甚喜燕夫與爭

席。所憂簿吏復登堂。春風和氣隨詩到。洛水泰山引興長。奮袖高談夜窓白。焚時危坐聽琅琅。薄更從坐堂。李長吉。語景玄。去歲大為僕料。所因

寄欽止李兄。征車南北轉秋蓬。關塞相望兩秃翁。袞袞便當隨世路。悠悠難復倚天公。銅駝荆棘十年後。金馬衣冠一夢中。尊酒雲州古城下。幾

時携手笑春風。寄劉光甫。山澤樵儒亦自豪。塵埃俗吏豈勝勞。陶潛貧裏營三徑。潘岳秋來見二毛。易狗已陳甘自棄。羸駒未脫欲安逃。因風

寄謝劉夫子極口推稱恐太高。寄史德秀兼呈濟上諸交游。久持身世不相關。雙入塵埃亦自難。一早且當逃赤地。二年爭得厭青山。陽臺寒

食林花感賦。岸南風草閣寒。鄉社追隨有成約。更教空負老來閒。寄楊飛卿。客夢悠悠信轉蓬。藥床既動展鐘。西風白髮三千丈。故國青山

一萬重。沙水有情留過鴈。乾坤多事泣秋蟲。三間老屋如何處。慚愧雲間陸士龍。寄荅飛卿。一首新詩一紙書。喜於滄海得遺珠。古來獻玉猶

難售。此日聞韶木不圓。白雪任教春事晚。青天中放月輪孤。并州命駕纒千里。愁呂風流未可無。寄楊弟正卿。馬迹車塵漫白頭。蒼生初不待

永樂大典卷萬四千三百十

君憂且從少。傳論中隱儘要元。規據上流東。關官梅動詩興。洞庭春色入新筩。歸程未覺西菴遠。夜夜清伊繞石樓。王州西谷以名酒甲洛中。嘗賦

龍溪詩。有杜湖竟逐西風落。依舊清伊繞石樓之句。故非及之。寄劉繼先。清霜茅屋耿無眠。坐憶分携一慨然。楚客登臨動歸興。謝公哀樂感

中年。淒涼古驛人煙外。迤邐荒山雪意邊。千樹春風水楊柳。待君同繫晉漢船。寄叔能兄。星斗龍門姓字新。豈知書劍老風塵。郎君未肯曾聞

關。王翰何緣得買隣。銀燭對談辭館夜。雪梅同醉浙江春。抵應千里東洲月。處處相逢即故人。寄荅商孟卿。窈渺朱絃寂寞心。得詩何當得南

金。冷猿掛夢山月。煥老鴈叫群江渚。深異縣五年仍隔關。荒城連日想登臨。書來且只平安了。撥觸離愁恐不禁。寄謝常君卿。百過新篇卷又

披。得君重恨十年遲。文除嶺外初無例。詩學江西又一奇。揚柳不隨春事老。負松唯有歲寒知。仙鄉白鳳瀛洲近。洗眼雲霄看後期。寄希顏二首。

後一首。希顏在徐州。華竹作。儂卧崧丘七見春。商餘歸計一塵新。悠悠華屋高貧意。凡九田夫野老身。動色雲山如有喜。忘機鷗鳥亦相親。巖疎

潦倒今如此。樓上元龍莫笑人。湖海故人仍騎曹。彭門千里入憑高。山頭社角長年瘦。樓上元龍先日蒙。水落魚龍失歸宿。秀天長鴻鴈獨飛勞。

酒船早晚東行便。共舉一杯持兩鰲。有寄 飛鴻來處是營平。喜向斜
 封見姓名。千里呂安思叔夜。五更殘月伴長庚。閩河秋興風景暮。長路渴
 心塵土生。南渡詩人吾未老。幾時同醉鳳凰城。寄荅劉生 西州消息
 到東山。懷袖新詩百過看。白壁明珠驚照座。朔雲寒雪入憑欄。省郎共結
 交情厚。野老還欣禮數寬。後日秋風一尊酒。草堂應得駐金鞍。蘇端良鄂
 州集寄嚴文炳以寄聲來問安及音到空公為韻嚴寄書存問甚幸 故
 人千里遠。論心未遑棄。不謂江淮隔。尺書鴈能寄。春風生展掩。滿慰別後
 意。陳義凜冰霜。不獨相思字。隻影秋鴻驚。獨夜秋葉零。離索歎五霜。搔
 首聽此聲。豈無金石友。相避參辰星。安得木作腸。與世無復情。子雲草
 玄宅。門徑積莓苔。昨夢憑說詩。新雨無客來。衮衮手可炙。自詫甘寒灰。蜀
 莊寂寞者。念我首獨回。烏豎兩馮君。風霆鶴休問。自昔從之遊。詩力借
 餘潤。夫君凜一敵。鴻筆上群俊。舊壇今尋盟。得句毋我靳。兩馮君謂其州
 父子 嚴子老於菟。彪炳踞賢關。可憐五車學。僅博九品官。客程望至喜
 江關山叢攢。劬懷造物心。念子渠能安。善忘常憎賢。獨者自尊足。嚴子
 既辭面。如我不諧俗。世情趣操間。憎愛岐珉玉。鏡舌誇我賢。祇取白眼辱。
 大兩每解質。或者子不然之。本言云 聯轡行樂地。悅仰成古今。可但捧

水樂集卷四十三百十

腸人。貫珠無復音。縷繆棋酒伴。電泡半銷沈。何時兩衰翁。話舊同清斟
 趙侯當賜環。倔強耻媚竈。張侯鳴琴手。戌期幾時到。何郎借賢書。論價未
 足道。多煩問何如。好語君一報。二君與大兩同居。其子與之厚。嘗有詩送
 之 石湖良樂眼。收士冀北空。嗟我孤所期。經世老無庸。一莊賴芥庵。報
 厚艾亦豐。賓賓得美謚。表表無然窮。未書及二公。故云 嚴子從我時。脩
 疎時雙鶴。章綬累瘦軀。此相胡宜肉。當嗣漂陽尉。苦語叩衮玉。寧當蘇門
 翁。清蕭谷幽谷。寄遠詞 過黎陽而遂西。煩嘉友之臨餞。道躊躇而
 屢顧。若忽背馳而不可挽。幸介弟之勤我。守權與其益堅。人情豈其惡
 送。若慮我修塗之易倦。繫高原與平隰。若冰雪凜其同踐。山負石以當運
 若。泥飛履以相濺。喜招招以印涉。若又風濤之交戰。幾四載之皆乘。若初
 不悟其已遠。亦既降乎廬阜。若諒尹告以舟楫。謀不主於雲夢。若果若大
 江之為限。分渚陸之異遵。若第亦曰予將返。試往閱於千帆。若前車近其
 當鑿。扶忠信以臨深。若猶一規而色變。愛我者於是而委去。若吾然後知
 所恃之惟天。寧戒懼之遂忘。若記命於南公之難大。捨親戚與墳墓。若初
 豈以易芻豢。抑甚珎其所懷。若每欲棄置而未忍。行四方以經營。若臂力
 猶幸其可勉。荆又用武之圖。若庶幾少施。予吾辯。至天性之燥濕。若蓋終

身陋巷而不厭。非將老無聞之為病。且安往而不樂其貧賤。獨夫人之信此。方。跋于望而不之見。秋蘭何時其可致。聊以報于足蘭。元程雪樓集寄閩子靜唐靜卿二翰長。故人天上近何如。白玉堂中足寶書。燭徹宮蓮三鼓後。露待仙掌九秋初。江湖政共丹心老。魚雁全如綠鬢疎。西北關干天咫尺。欲乘黃鶴却躊躇。次韻寄謝。江學院諸先輩。半生事業竟何成。冷笑猶然愧宋榮。日逐黃塵雙袂積。夢回綠幙一燈明。交情款款知君厚。佳句翩翩使我驚。皓首相期崇令德。殷勤遠寄白絲行。寄喬達之。東魯相逢兩見秋。忽傳南牧古筠州。向來不負甘棠訟。此去真分黃屋憂。政裂多門從古患。民惟百病自今瘳。中朝人物知君幾。縱樂江南得久留。因羅冲夫行寄臧魯山二首。夢裏西江潑眼青。隔林遙見繡衣明。覺來得句無人寄。恰有新秋鴈一聲。兩鬢清秋半扇風。歸裝無物有詩窮。南樓那似西山好。十二珠簾捲雨中。人至承以二絕句見。既清簡幽深。情意都盡。披閱賦詠。如接芝宇。感慰可勝言哉。輒有小詞錄奉一笑。且以寄企嚮之意云。短夢驚回北窻。一陣芭蕉雨。兩聲暹住。斜日明高樹。起望行雲送雨。前山去。山如霧。斷虹猶怒。直入雲深處。幸嗽陵陽集。次韻寄衡山齋。蜀客嗟留落。甘為學圃遲。年華空自老。心事復誰知。未

永樂齋卷四十三首

有盡替月。還須上冢時。諸餘何足論。相對但期期。寄昌化孫梅來。揮手秦猶信宿然。未行俄已兩周天。雲緘尺素歡開後。雪髭雙溪恐墮前。高韻誰能似孫宰。舊題應復記蘇仙。何時布襪青鞋去。摘野芎苗古寺邊。次韻寄史彦明。等閒看盡弁衡吐。旁郡聊煩奉檄馳。候管乍披新定志。郵筒忽見故人詩。君方清絕行明鏡。我正摧頽据稿枝。為喜綠衣遂膝下。微杆趁得頌花時。奉寄沈公介石老仙。不食富貴即神仙。若說香壚古易編。誰向急流能勇退。方知介石是哉先。三危露下聞清淚。九鎖山中斷俗緣。喜有詩人相共住。何時一笑醉丹泉。胡祇適戴山集寄李二衍甫友舊。總角慎擇友。似君能幾人。君心淵以默。我懷粹以春。外若不務合。中情霜相親。聯句風雪夜。並轡花柳晨。相離復相覓。敬慕日益新。君慕我無偽。我敬君無虛。有失須告教。接納從具陳。有美不口譽。暗若獲嘉珍。古人不可到。已脫離鶯鄰。相逢百慮消。何者為駘貧。年來成遠隔。欲會良無因。君恩我慮切。我夢君亦頻。千里共明月。出門望通津。尺書何家聞。亦豈少鴻麟。寒溫疎無益。懶散任情真。君問日無事。田園坐荒榛。我官久不調。進退兩遭迫。相思復相笑。有愧半百身。萬事盡乃尔。一心恒若辛。何嘗謝手板。後我沮水濱。寒網得嘉魚。杯羹雜葷葷。再逐林下約。因羽時一伸。踏雲

共携杖對月同岸中。有子辨溫飽。世作無懷民。安知青雲表。高閣聳麒麟。
寄李松卿友愛。憶昔少年日。不識分携愁。朝為閭里墟。莫為閭里游。
意如同隊魚。相失即相求。江山為我妍。日月為我留。古今共指擊。詩文相
倡酬。艤舟南塘夏。戲馬廬山秋。入門父子歡。出門朋侶稠。笑談俯仰間。字
宙一此游。朱顏映綠髮。一官非所憂。自期學業成。舉翮超崑丘。得時道復
行。絕足追伊周。坐信古人書。歲序聞如流。龍飛啓昌運。仕籍粗見收。隨廢
後隨起。急雨水生漚。朝應列宿光。暮與編民儔。我趨東州幕。君登省郎朝。
我克辭林樞。君轅復西州。相望五千里。萍梗兩悠悠。相憶不相見。魂若鷹
坐鞦韆。碌碌逐人後。不異群飛鷗。反為流俗嘆。誰復信良籌。夜為一無賴。展
封千戶侯。舉國疾有口。一拜奉廟謀。人生各有命。敢欲誰怨尤。念君得稅
駕。桑梓復優游。吟登舒繡臺。醉下飲酒樓。讀書復觀物。萬象愁宜搜。笑我
官游惡。相如今白頭。進退良有道。用舍隨沉浮。已慙三徑草。更愧五湖舟。
寄宋齊彥。丰度嘗暫違。令人生鄙吝。一別十七年。杳不接音問。孤陋
寡交游。庸懦不自振。看書未開卷。衰思已昏悶。異時或相逢。老醜勞細認。
聞馬成生橋。妄想供忘盡。覺來問童僕。又欲昏黃近。廟堂咨故老。謨議發
矧刃。東華白玉堂。群賢仰清峻。人來話起居。德業日升進。詩文肆口成。草

水樂齋卷四十三首

十九

聖電雷迅。老耳聞斯言。喜寐見神俊。斯文天未喪。付託當自信。大賢不虛
生。晚節宜重慎。寄谷王仲謀。心交義已重。世契尤情親。結髮相追隨。
歲年借七旬。所學與踐履。言行頗同倫。俯慚太踈懶。仰慕能精勤。文章妙
天下。更欲名千春。讀書老益壯。立言日求新。客來辱佳什。字字希世珍。日
長正春睡。拜誦整冠中。勤厚思報復。握筆不能文。南望徒引領。青山生暮
雲。寄伯棣繼先子裕伯宣。泉源出山巔。澗下能及遠。居官處廟堂。長
才庶可展。恩澤霑四海。竹帛燦華顯。豈同州郡職。碌碌互流轉。傳聞得榮
拜。清議稱妙選。何煩責望深。自期良不淺。老懷喜無寐。芥蒂日消遣。貧為
中外賀。鄙語失裁割。寄子冕。憲府雖云久。門深蔓草荒。簷前喧鳥雀。
墻外足豺狼。百怪群妖集。千鈞我弩強。勝殘何日是。亦復可伶傷。下馬鞍
未解。寬民如堵牆。訟吏十守令。文卷百筐箱。追邇行移密。紛紜論議長。我
來片言決。喜劇淚沾裳。衰思已多感。重重憂患深。凄迷異鄉夢。駭骨故
園心。弊久茲尤密。才疎力不任。願禪宗匠手。垂教示佳音。寄耿壽之。
每每思交友。時時屢上心。俊才熊虎受。衰鬢雪霜侵。煙赫馳聲遠。經綸著
思深。朝賢如有問。腰沈不勝金。寄李敬甫劉漢卿陳取新。歷歷思群
彥。才如照夜珠。走盤光不足。蠟物燭難逾。碧海三秋翼。青雲萬里途。故人

永樂大典

卷一四三八〇

汾水上白髮一癯儒 寄樂用之 別後常相憶 秋風又颯然 人來三
 致問 歲半兩榮遷 共望山公啓 世推文舉賢 只今世契水 禮合重同年
 寄子初 拜狀慙疎闊 懷思未少忘 既能同好尚 寧有異行藏 老喜心懷
 靜 閑知日月長 氣和消百疾 此藥最為良 寄韓通甫君美 昆仲暨禹卿
 參卿 僻處西南遠 音書久不通 去春傷別令 歲又將終 矯矯皇都
 栖 栖白髮翁 東郊復南陌 杖屨幾時同 離別驚再歲 一日未嘗忘 每
 將情達 恣恣以事妨 簡書防抵律 韻語不成章 千里幽并月 流光共一觴
 事塵埋 猥賤展轉憶 高人家在京師裏 身如江海濱 幽園隨意廣 佳酒
 逐時新 猶有塵緣在 時烏席上珍 寄子莚 儒術師吏事 精粗不相妨
 却笑料生拙 翻為按牘忙 豈知拋土直 已足致平康 坐使刑名子 喧闐政
 事堂 寄贈耿壽之 從韓廣道之索也 傾蓋猶如故 同朝十載餘 邇來
 聞福履 重喜拜佳除 庶類勞經濟 通才看卷舒 去人韓廣道 幕客李尚書
 幕客一作例辰 寄高聖舉劉漢卿 外補承清簡 那知益賤繁 者伴甘
 指喉部介亦超 奔百務如星火 千憂入夢魂 塵顏將依狀 卑辱不堪論
 寄王經界彦才 齒髮臨衰境 參商又七年 思君常耿耿 念我計懸懸 老
 覺親朋寡 問鷲歲月遷 從今相慰意 莫厭尺書傳 寄齊彦 俸止九四

水樂大典卷萬四千三百八

月囊空無一錢 清霜寒似水 老屋夜如年 卧爐翻書冊 迎暄坐馬羈 何時
 辱相遇 一絮賦蕭然 寄馬德昌 遺安堂深有餘慶 瑞世皇皇生五鳳
 文章官業兩崢嶸 庸儒聞風亦飛動 丈夫墮地豈偶然 白璧萬金宜自重
 南風過鴈得新詩 字字鏗鏘堪詠諷 想當談笑了 官事高齋坐 受雲山供
 一時交友盡豪傑 萬象無聲自朝弄 一江風月酒滿船 世無謫仙誰與共
 大鵬扶搖九萬里 斥鷃蓬蒿莫攀奉 人生難忘父母邦 何時定作還鄉夢
 寄何中丞馬侍御 取人以言已非法 言亦見廢將何從 正如茂林集
 烏鳥紛紛誰辨雌 與雄於今憲臺議 最公鏡明妍醜難 為容一職得人百
 城治 涉火息焰冰雪風 寄子勉 分手瀘溝又歲餘 別來不得半行書
 扇符未攝新交密 雁字先從故友疎 渭水綠波晴戲棹 樊川紅對晚停車
 從教富貴相忘久 時英人來問起居 寄雷彥正 才藝如君豈久閒 可
 能高潔掩雲閣 行雷莫北千群選 莫厭終南一帶山 壯歲功名從造物 絲
 衣蔬食悅慈顏 西南望眼三千里 夢裏芳蹤不可攀 寄趙輔之 荒詩
 前月下樊川 想像閒賦一莞然 以我夢君常耿耿 知君念我亦懸懸 辭言
 儻惜馳千里 何物相思破積年 好在王雷三益樂 月臺風樹往來篇 寄
 朱誠甫 人來聽說拜佳除 夜久無眠喜有餘 德之不勞求捷徑 仕優仍

好更觀書調絃固合張選地納納當知急與徐吾弟天資素溫雅人間何處不安居 寄王景伯 江陵一見偶相逢別後相思似夢中歲月白駒飛過隙人生社燕避秋鴻愛君磊落青雲氣笑我蹉跎白髮翁樽酒論文定何日恨隨流水到江東 寄李裕卿 五載分飛一寄書年來更甚信音疎雖無尺牘傳聲迹頼有人來話起君委巷常思淹絕足俊才久合拜嘉除廟堂勿謂無知己滿網橫江百尺魚 寄杜斌山 拜君歲久敬君深別後隣君更苦吟衰柳寒烟迷徙倚廢城春水幾蒼臨都將豐歲中年夢換却荒雞半夜心裡竹買田隣舍約自慚無計即相尋 詩成政恐無人讀食足難為作計疎百畝未供陶令酒一區先得子雲居坐間里士來傳業榮勝王門強曳裾鄉社難豚重相訪不妨騎馬到階除 寄謝隴西翁 打門問客自西來未語几襟覺少開走卒趨傳有鈞命歡踪端似上春臺只因春暮蒙多問愈自兢兢愧不才邂逅何時接清論一江春水濯心埃 寄王子初 東南西北十餘里相憶相懸五六年俗狀塵顏時自笑急流勇退羨君先即時亦有一盃酒負郭誰無二頃田夢裏共溪溪上路藕花風露並吟鞭 寄張周卿 社燕秋鴻十五年抵爭青鬢與華顛雄才且作橫秋鶴老境惟便負郭田千里關山空目斷何時風雨對床眠

永樂集卷之四十三

年來夜夜還鄉夢接袂聯裾涇水邊 寄陳濟民霍家書盡見君詩心畫清雄絕妙辭南北十年成久別關河無日不相思夢中見面舞如漆鏡裏嗟予鬢已絲白髮多來故人少笑談握手定何時 寄西巖諸公文甫士 能文舉仲桓 年來長路苦奔馳却羨書牕靜掩扉坐守冷官如旅泊出逢高蓋炫輕肥塵生南浦開游屐苔滿西溪舊釣磯屈指幾人麟閣像春風好在故山薇 宦情元薄似春冰况復重經寵辱驚敢自待才求好爵誰能努力越虛名黃雞空負秋成約白髮潛隨夜雨生 寄語山靈休見笑草堂無恙得歸耕 寄王秋澗 前歲同舟曉渡江歸來相繼月餘強平生進退常相似老去功名有底忙喜見童孫能灑掃厭逢新進問行藏求田負郭方今遂春暖安排手植桑 客至誰真少送迎鄉鄰子姪要傳經望前失後嗟春老數墨尋行甚典刑執卷真成村學究隔牕羞見夜飛螢休言稽古全無力不負當年汗簡青 錦繡文章下筆成甚無一字落柴荆青春得意新桃李白髮相看老弟兄一世愛君心不淺百年見我眼偏明從今酬唱無虛日一字當留萬古名 衰老無能得退休有時往事上心頭居官合盡人臣敬過慮常無天下憂習氣不除還自笑多思無補竟何求高情四海王秋澗幽谷鳴禽幾獨遊 寄王立甫 短簷寒日箭逃

絃。夢裏清談又一年。白髮水冠俱老矣。黃塵鞍馬兩茫然。句無可詠詩難
寄。文不成章書懶傳。唯有中天一明月。照人相憶共輝煌。寄吳蔓慶

經史詩文力有餘。晴窗遊戲八分書。三徵不起非求價。一過無遺足自如。
接譜覓花人遠送。和煙種竹手親鋤。料應安樂窩中夢。不與辛毗共引裾。

寄高道之陳介甫。不接清光逾十年。無情歲月若流川。經綸汗漫隨
人用。銓調匆忙逐歲遷。一事未成宜老矣。百年何處樂終焉。春風吹破黃

糧夢。擬買西山二頃田。寄傅士開。三十年前分袂時。玉鞭驕馬怯羊
姿。今年燈下忽聚首。鬢髮雲間似欲絲。對語尚疑殘夜夢。一盃難慰積年

思。雨中驛馬催人去。點點傷離恨別時。太常引寄王提刑仲謀。七年
分袂一相逢。南又忽忽白髮兩衰翁。縱握手澤如夢中。共山如畫。澗溪

如練。空幾度春風。勝幾時同沐。真待功名景鍾。劉靜修集寄宋生。西
南吾楚澤。辰三江五湖。眼中此兀物。不可一日無。有客報渾一。曾次如還

珠望極。不可到。送興風。飄裾家人笑。挽之恐遂凌。空虛寄聲宦游子。歸與
江山俱。閉門望雲濤。屋梁雙月孤。西陵斷巴蜀。南雲渺蒼梧。徑圓一千里。

杯酒納有餘。新詩想瀟灑。真氣餘清臞。明朝函丈中。坐對江陵園。寄彥
通。吾子今應健。山人老已癡。迷藏高着眼。興廢大觀基。感遇渾非昔。忘

永樂大典卷萬四千三百十

懷若有思。絃歌吾舊隱。寂寞暮春時。寄荅祖丈。先友從遊地。雍容几

杖尊。秋風太古觀。春日樂郊園。妙理欲自得。高情誰與論。別離空六載。其
待負知言。寄彥通。青芻白飯思悠然。燈火山亭暮雨前。不意相思渾

百里。且教一別動經年。久甘分席推。夫下。敢望過門長者先。自是烟霞愛
招客。可無佳句助清妍。寄張之傑。便擬庭前彈棊過。直須隨俗苦揚

波。一瓢有樂誰云細。三釜無歡亦謾多。戰國遺風餘管樂。南朝清議尚王
何。見人時。據知吾拙。獨誦滄浪太古歌。寄楊晉州二首。曾是吾鄉舊

幕官。秋風碧水記紅蓮。而今却憶當時事。回首驚看十二年。南州選舉
數三揚。中統水冠半在立。明日朝廷訪耆舊。不應白首尚為郎。寄毛得

義。白沙翠竹止北鄰。夢想南湖老聘君。遙憶郡樓風景好。幾時同看暮
山雲。耶律楚材湛然居士集寄德明。德明寓燕。作詩欲自絕。且云但得

為一飽。死鬼足矣。士大夫憐之。其詩末句有云。功名拍手笑殺人。四十八年
如一夢。予每愛此兩句。近觀彌勒下生賦。德明所作也。因作詩以寄之。

英俊志節本凌雲。尚日飄零故國塵。有道且同麋鹿友。談玄能說虎狼
仁。幸然不作飽死鬼。可惜空吟笑殺人。彌勒下生何太早。莫隨邪見說無

因。佛伽羅第十卷云。未來世有人取藥。惡報種種無因而邪見破壞世間人改

以有是句 再用韻寄博霄二首 玉立堂堂翬桂枝。雲川中隱寓天涯。
風神蕭散能談道。格調清新解作詩。鄙論我甘蒙贊說。子作辨邪論得齊。
半掩之碑村君已露囊。雖澄澄胃火人誰識。祇有清風明月知。所倒霜
筠節外枝。誰言法界有邊涯。筌蹄意盡問周易。脂粉情忘東詒詩。去歲生
涯猶說劍。今年活計更捐錘。威音那畔真消息。試問瞿曇也不知。寄景
賢 因足疾在吉彈琴適時腕臂作痛自訟其癢作詩以寄 湛然有過
必人知。笑寄龍崗自訟詩。問浮衆生苦爲樂。華嚴皇覺藥能醫。十年探甲
足疾作。三月彈琴臂力衰。因病得閑閑却病。閑中雖病也便宜。寄天山
周敬之 當年傾蓋識君初。爛飲天山駐使車。秋去安仁空有賦。雁來公
瑾又無書。林巒紅葉如人老。籬落黃華亦我疎。爲向天涯道岑寂。強吟新
句附雙魚。寄移剎子春 說與沙城劉子春。湛然垂老酷思君。同遊青
塚秋將盡。共飲天山酒半醺。蠟紙題詩熟鍊字。盧談道細論文。五年回
首如真夢。衰草寒煙正斷魂。寄南塘老人張子真 張侯風味詎能忘。
黃米曾令我一嘗。昔子馳驅之漁陽。道過南塘子真召。子一飯黃林抵死
解官違。北關達生邈世約。南塘知來何假靈。龜兆首論運氣頓知未來事。
作賦能陳瑞鶴祥。豈是西邊無土物。不如詩句寄東陽。寄沙井劉子春

永樂大典卷萬四千三百

十三

寄語沙城老故人。別來贏得鬢邊塵。馬蹄踏破關中月。新句吟空河表
春。名利相縈余有歎。琴書自樂子非貧。何時策杖君家去。再試淵明漉酒
巾。寄張鳴道 張君宗派自留侯。壯歲成名入士流。一代詩聲如玉振。
千鈞筆力挽銀鈎。平山邂逅初青眼。汴水伶仃已白頭。遙想荷花好時節。
故人吟倚仲宣樓。寄張子真 憶昔携琴論太玄。渠通太玄經。湛然初
識子。聞賢迴頭蔥嶺仍千里。分手松軒已五年。嘗會萬松老人。文室東望
盧龍傾玉表。西來青鳥闕金樓。幾時重會燕山道。一曲臨風奏水仙。子彈
水仙公嘗學之 寄景賢一十首 龍岡能覓淡中歡。心與孤雲自在閒。
琴阮生涯事松菊。詩書活計老丘山。叩絃聲自無中出。得句思從天外還。
踏破化工無盡藏。閩人受用亦非慳。其二 龍岡漆水兩交歡。縱意琴
書做老閑。未得一言安海內。已輸三箭定天山。青容詩思妨心慧。豈使聲
塵礙耳還。信手拈來無不是。清風明月有何慳。其三 人間聚散忘悲
歡。何似林泉避世閑。十載殘軀遊瀚海。積年歸夢遶關山。先人舊隱居七
空岳。猿鶴招予往。滿駕琴書伴我還。多謝龍岡憐老隱。新詩酬酢略無慳。
其四 絃索詞章且助歡。羨渠臨老得安閑。琴歌愛子彈秋水。詩句服
君仰泰山。聲古調凄真可聽。辭雄韻險定難還。先難後易今方省。居士襟

永樂大典

卷一四三八〇

懷本不慳。其五 宦情觸處不成歡。未得浮生半日閑。鷓鴣有書慚止海。澤民無術愧東山。琴書習氣終難忘。嵩麓荒園志得還。卜隱龍岡成老伴。肯教詩思筆頭慳。其六 廣文憐我失清歡。每著琴詩伴我閑。痛憶金聲并玉振。酷思流水與高山。詩壇各盡猶深閉。琴債迂延未肯還。一狀如今都領過。龍岡須破兩重慳。其七 琴書吾子盡幽歡。隨分清磨日月閑。佳句典刑傳四海。水仙聲韻徹三山。每慚未李投君去。却得瓊瑤報我還。從此龍岡閑廩藏。微遣筆下更無慳。其八 世間何事最高歡。爭似能偷忙裏閑。得遇夜情須對月。每逢春盛強登山。無錢沽酒和衣典。一作和琴共圖利。吟詩倍本還。綺語十章琴百曲。莫教風月笑人慳。其九 我與先生久已歡。而今肯顧老來閑。同舟鼓棹醉觀月。並轡騎驢飽看山。綺句縱成連譜換。純音彈了看詩還。琴詩此際備拈出。可恣龍岡為紙慳。其十 閑人閑裏竟閑歡。未得迎光未是閑。叩道一螺斟巨海。參玄千里望恒山。但能透鐵穿三句。何必拖泥辨八還。箇事人人皆富有。含生休怨釋迦慳。寄移剎國寶。昔年洋迹旅京華。曾到風流國寶家。居士為予常喫素。先生愛客必烹茶。明窓揮麈談禪髓。淨几焚香頂佛牙。回首五年如一夢。夢中不覺過流沙。公所藏佛牙甚靈異。恨離師太早。淘汰未

永樂大典卷萬四千三百十

十四

精。起乳蒸之念。作是詩以寄之。吾師道化震清都。奔逸絕塵我不如。近日虛傳三鳥信。幾年不得萬松書。宗門淘汰猶嫌少。習氣薰蒸尚未除。惆悵天涯淪落客。臨風不足憶鱸魚。寄光祖 漁陽光祖冠當時。筆法詞源我獨知。君有家聲君自厭。為何偏愛玉泉詩。魏初青崖集寄商左山 清明後數日陪姚雪齋依隣野雅集於匏瓜亭偶得五十六字奉呈左山相公千里一笑 嚴澤門西十里亭記從別後幾清明。梯航返國歸籌畫。柱石中朝望老成。滿眼青山連夜夢。一尊明月兩鄉情。花時更向東臯醉。腸斷雲間百二城。寄遠別 千里長河五年戍。萬山風雪斷來音。屋頭昨夜霜如席。愁折金閨一寸心。劉文貞公集初夏寄宋先生 寒休百年何所實。幾時持書堪到老。閱書誦詩若掃帚。富貴功名都一掃。桃李春風酒一杯。解釋襟懷洗煩惱。江邊醒客却是醉。綠底形容太枯槁。若無白日照丹心。金節蘭言成草草。蕭韶聲斷鳳不來。上世羲皇更難考。元氣淋漓光景差。春入桑榆夏方早。天香閣到牡丹花。魏紫姚黃定誰好。策筇林下問幽人。幽人一笑為起倒。劃然省破出林來。身在乾坤心灑灑。孤鶴飛去九臯空。但見白雲點晴昊。却將此語寄幽人。萬事紛紛何足道。寄顏仲復 用香行藏。或偶然。忘懷一致是真賢。功名無競自成。大富貴強圖誰

保全未得恐人難語命既私造物豈知天人間萬事爐煙外只有心齋體
 象先 又 朱顏白髮任流年睥睨揄置兩邊皆醉皆醒人豈爾一鳴
 一息物當然飛騰起處須從地智力窮時便到天惟有無生話無盡何如
 緘口坐痴禪 別後寄瀉巨源二首 內存直道外方圓愛叔僧中曾仲
 連浩瀚骨懷寬似海周旋眼孔大如天子瞻不許留於物夷甫何曾道着
 錢身與德雲無住着相逢常憶別峯巔 與君相識便相憐崇壽清歡豈
 偶然席上數聲歌宛轉酒筵終夜醉留連梨花淡月紗牕外楊柳溫風玉
 盞邊對此得同當日飲大家更放一迴顛 寄遠通友益 南屏一別重
 相思黃葉關山霜落特海馬盡還沙暖浦林鳥不棄歲寒枝幽懷自慰三
 杯酒遠興誰酬七字詩他日春風重會面與君同唱鷓鴣詞 客桓州寄
 顏仲履 夢蝶莊周未夢前春心都付日高眠凍雲閣雪飛簷外鳴鴈因
 風到枕邊判斷行藏無兩字棲遲桓撫又三年故人似中天月一月須還一
 度圓 月夜寄譚彥清 氣義相期見丈夫江湖襟度縱游魚交情歷久
 人皆敬世事經多子豈疎天意高秋隔雲漢月華清夜滿窮廬幾時載對
 并州酒今是昨非總破除 寄崖夢臣 千里同狀歲月深不交言語只
 交心文容和洽溫溫玉詩韻鏗鏘碎碎金樂府風流新摘阮頌堂雅淡舊

永樂卷萬四千三百

和琴何年更探崆峒竹十二簫成聽鳳音 山月託誠寄馮世昌 山色
 沉沉月色清擬將幽物託幽誠不嫌月小頻窺別選恐山高陡隔情山帳
 無塵猿絕得月宮有藥充長生分如山處心如月萬丈空青一鏡明 寄
 李周卿 閑裏詩書慰寂寥低垂絳帳謝塵囂心如秋月十分朗病逐春
 冰一向銷陋巷顏淵貧有樂安車子貧富無驕更看萬丈頽波下砥柱巍
 巍不動搖 寄顏仲履 塵容俗狀髮婆娑不學流年四十過落腮牙心
 從我幻別離情緒在君多詩中伐木然常課曲裏陽春已懶歌異日相逢
 一杯酒難能行止者如何 又 世事悠悠分有涯苦心追逐路多差但
 憐晚結蟠桃子誰羨朝榮木槿花四皓豈曾輕受命二疎終解早還家白
 蓮池上廬山色無限黃金可對誇 寄李德茂 陳雷未待定交情猿鶴
 山中怪負盟直北天寒一表暖雲南路險焚夫平醪醴有力攻愁退白髮
 無端逐感生瘦馬長途瘴煙裏別來曾復夢從征 寄顏仲履 平生事
 願徒相違來日悠悠去不迴天理細推元自定物情各是累誰非詩人但
 只憐佳句酒客何曾怯巨杯念我無才又無量微吟淺酌足知歸又
 年來幽獨水雲鄉暫耐黃塵道路忙世事誰能先得夫人生都枉料行藏
 風前皓月吟懷爽雨後青山望眼長富貴功名非我務只除好友是思量

河邊留雨寄李德茂 霜秋曉過中元節舊路重經東勝城明月既圓何
用缺黃河雖濁亦能清陰雲未散千山去冥雨還留一日行
不不到仗誰傳此欲歸情 歲暮有懷寄仲修宗舊四首歲暮嚴風曉夜寒
老煙蒼雪滿關山騷人思和陽春曲遠客廢歌行路難美酒欲期十日醉
浮生誰得百年閑揚州解舍周遭樹清談梅花也屬官 歲寒親友淡相
陪助發詩狂舉酒杯情與故人千里合夢隨隣笛一聲迴虛心立
霜秋竹瘦影橫牕月夜梅天意微茫人莫測龍蛇飛動待春雷 凍柳未舒培
老雪先於梅上見陽和青春數日日漸近白髮逐年年轉多鳧短鶴長從
彼爾先寒鳥熱奈探何光陰總被閑消遣時復詩成對酒歌 蹤跡飄零
事願違生平親善足披離同人憂樂猶難易與世浮沉果是非寒雪自應
隨賺盡青我何恨得春遲玉京一望漫於海安得超然控鶴飛 臘月圓夜
嶺下寄宋義甫四首 瑟琴閒話一燈清夜夜窮虛過二更指下玉音
猶在耳言中蘭臭正含情將軍揆坐吹龍笛倦子憑虛噓鳳笙焉問成連
門下客七絃曾有不平聲 老雪嚴風嶺上多玉京人恰醉顏醜一壺天
地含春色三尺練桐浸月波歲暮牛郎閑系船夜寒織女廢機梭憶君調
取青陽律莫聽南隣子夜歌 車輪馬足繞羊腸眼見勞生道路忙燕市

永樂大典卷四百三十一

豈無安分客宋家今有讀書郎嚴城樓上三聲角靜夜燈前一炷香想到
古人留意處等閒不肯誤時光 聖賢深意在遺編照世儀刑有妙年行
長方時皆合命體人圓處別無天蒼山松柏傲寒雪荒苑樓臺籠曉煙春
色到頭都有幾小桃休與柳爭先 過分寄李德茂 人間何物慰飄零
詩酒端堪樂此生五七字吟長短句兩三杯酌古今情夢迴懶趁花間蝶
春靜頻聞柳上鶯二滴三平聊且過隨緣元不費經營王景初蘭軒集至
元十三年寄平陰縣既郡文 佳人隔青山可愛不可見明月一杯酒秋
風兩葉疎昨日平陰吏歸言見君面能無一封書慰我長瞻戀別來不可
說世事雲千變家門足凶禍萍梗悲流轉鸞鷲負志高悠悠慙身賤聞來
卷書坐點檢平生適只有歲寒心忠誠金百鍊遠窮霜露多歲晏游子倦
日事追糊口功名絕攀援江山深苑筆得似聊城箭 雖換世所輕堯叟
方長高詠考盤詩經輪付時彥 寄教夫魯瞻 天地新秋雨軒牕昨夜
涼聞來添懶病老去惜流光理鼎宦情薄山林歸夢長故人司與李深憶
話行藏 有寄 昔年詩酒接新墻今日風雲隔廟堂四海陽春隨化筆
美人潛德發幽光經綸不負平生學姓字當流後世香見說門闌多隙地
好乘春雨種群芳 寄趙君實三首 手折瓊芳佩石蘭實音人在碧雲

端。蒼龍秋卧海波闊。白鶴夜鳴風露寒。注玉淚窮山寂寂。問津人去水漫漫。天涯早晚重相見。樽酒爲歌行路難。氣歛青雲入酒狂。賦成猶未獻長楊。字形灑落傳東晉。詩句風流學晚唐。長劍一爲鄉外客。清砧三憶月中霜。夢歸堂上君賢所。時堂石也。新秋雨。猶記相逢說斷腸。漫判東來久未歸。白雲心斷太行西。一書薦鴉人何在。三策懷君日又依。雲路有朋秋鴈去。風枝無侶夜烏啼。東州滿眼交游在。且莫哀吟動慘悽。寄張仁甫。曾向山齋對榻眠。清談疊疊極幽玄。春融蟬蛻無多事。魚躍鸞飛共此天。未用連城沽趙璧。且將流水奏牙弦。思君重抱論文酒。惆悵蒼山隔暮煙。有寄。奉高三載又蘇川。自笑身如泛梗然。處因不堪家累重。謀生聊藉主人賢。玉無善價應藏積。琴有知音未絕絃。最是松檝夜來夢。風霜吹繞憲陵阡。寄中屠大用。蚩尤臺下草還春。賓館淹留愧此身。斷壘蒼勞思野質。唱歌今覺困巴人。悠悠世事關心遠。歷歷交遊寄念頻。白屋青燈兩行淚。功名半苦候錢神。飛黃騰路上雲煙。廢井蛙留更可憐。翹氣未消南斗下。文星遠拱北辰邊。人間裡玉嗟無地。物外乘槎幸有天。一策治安經濟在。不須辛苦憶林泉。半生辛苦飯山前。白石歌成却自憐。倦客情懷如中酒。故人書信又經年。六么爭得知誰勝。三釜爲心覺子

永樂大典卷之萬四千三百八

十七

賢別後歸囊應拍塞。因風無惜墮華牋。寄李漢卿。碧雲天遠屬書邊。感舊空吟送別詩。記得分襟斷腸處。滿天風雨下樓時。

永樂大典卷之一萬四千三百八十